

տուրքի գումարը բողոքաբերի կողմից նախապես վճարվել է, իսկ վերաքննիչ բողոքը ենթակա է բավարարման, գտնում է, որ Ընկերության կողմից հայցադիմում ներկայացնելու համար նախապես վճարված 50,000.00 ՀՀ դրամի չափով և վերաքննիչ բողոք բերելու համար նախապես վճարված 75,000.00 ՀՀ դրամի չափով պետական տուրքի գումարները պատասխանող Բարձրագույն դատական խորհրդի աշխատակազմ Դատական դեպարտամենտից ենթակա են բռնագանձման հոգուտ Ընկերության:

ՀՀ քաղաքացիական դատավարության օրենսգրքի 136-րդ հոդվածի 1-ին մասի համաձայն՝ հայցը բավարարելու մասին վճիռ կայացվելու դեպքում հայցի ապահովման միջոցները պահպանվում են մինչև վճռի կատարումը:

Նկատի ունենալով, որ Դատարանի 07.08.2023 թվականի վճիռը ենթակա է բեկանման և փոփոխման, Վերաքննիչ դատարանը գտնում է, որ Դատարանի 26.07.2023 թվականի որոշմամբ կիրառված հայցի ապահովման միջոցը, որով ՀՀ ֆինանսների նախարարությանը պարտավորեցվել է մինչև սույն գործով վերջնական դատական ակտի օրինական ուժի մեջ մտնելը [www.gnumner.mimfin.am](http://www.gnumner.mimfin.am) կայքում հրապարակված «Գնումների գործընթացին մասնակցելու իրավունք չունեցող մասնակիցների ցուցակ»-ից հանել «ՍՈՒՍՄԵՏ» սահմանափակ պատասխանատվությամբ ընկերությանը, ենթակա է պահպանման մինչև սույն որոշման օրինական ուժի մեջ մտնելը:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 380-րդ, 381-րդ և 387-րդ հոդվածներով՝ Վերաքննիչ դատարանը


### Ո Ր Ո Շ Ե Ց

1. «ՍՈՒՍՄԵՏ» սահմանափակ պատասխանատվությամբ ընկերության վերաքննիչ բողոքը բավարարել: Թիվ ԵԴ2/8777/02/23 քաղաքացիական գործով ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի 07.08.2023 թվականի վճիռը բեկանել և փոփոխել հետևյալ կերպ.

1.1 «ՍՈՒՍՄԵՏ» սահմանափակ պատասխանատվությամբ ընկերության հայցն ընդդեմ Բարձրագույն դատական խորհրդի աշխատակազմ Դատական դեպարտամենտի՝ «ՀՀ ԴԴ-ԳՀԱՇՁԲ-23/01» ծածկագրով գնման ընթացակարգի մասնակիցներին գնումների գործընթացին մասնակցելու իրավունք չունեցող մասնակիցների ցուցակում ներառելու մասին» 2023 թվականի մայիսի 02-ի թիվ 5 որոշումը մասնակի՝ միայն «ՍՈՒՍՄԵՏ» սահմանափակ պատասխանատվությամբ ընկերության մասով, անվավեր ճանաչելու պահանջի մասին, բավարարել:

1.2 Բարձրագույն դատական խորհրդի աշխատակազմ Դատական դեպարտամենտի «ՀՀ ԴԴ-ԳՀԱՇՁԲ-23/01» ծածկագրով գնման ընթացակարգի մասնակիցներին գնումների գործընթացին մասնակցելու իրավունք չունեցող մասնակիցների ցուցակում ներառելու մասին» 2023 թվականի մայիսի 02-ի թիվ 5 որոշումը՝ «ՍՈՒՍՄԵՏ» սահմանափակ պատասխանատվությամբ ընկերությանը «ՀՀ ԴԴ-ԳՀԱՇՁԲ-23/01» ծածկագրով գնման ընթացակարգի մասնակիցների գնումների գործընթացին մասնակցելու իրավունք չունեցող մասնակիցների ցուցակում ներառելու մասով, ճանաչել անվավեր:

1.3 ՀՀ Բարձրագույն դատական խորհրդի աշխատակազմ Դատական դեպարտամենտից հոգուտ «ՍՈՒՍՄԵՏ» սահմանափակ պատասխանատվությամբ ընկերության բռնագանձել 50,000.00 (հիսուն հազար) ՀՀ դրամ՝ որպես հայցվորի կողմից



առաջին ատյանի դատարան հայցադիմում ներկայացնելու համար նախապես վճարված պետական տուրքի գումար:

1.4 Դատարանի 26.07.2023 թվականի որոշմամբ կիրառված հայցի ապահովման միջոցը, որով ՀՀ ֆինանսների նախարարությանը պարտավորեցվել է մինչև սույն գործով վերջնական դատական ակտի օրինական ուժի մեջ մտնելը [www.gnumner.mimfin.am](http://www.gnumner.mimfin.am) կայքում հրապարակված «Գնումների գործընթացին մասնակցելու իրավունք չունեցող մասնակիցների ցուցակ»-ից հանել «ՍՈՒՍՄԵՏ» սահմանափակ պատասխանատվությամբ ընկերությանը, պահպանել մինչև սույն որոշման ուժի մեջ մտնելը:

2. ՀՀ Բարձրագույն դատական խորհրդի աշխատակազմ Դատական դեպարտամենտից հոգուտ «ՍՈՒՍՄԵՏ» սահմանափակ պատասխանատվությամբ ընկերության բռնագանձել 75,000.00 (յոթանասունհինգ հազար) ՀՀ դրամ՝ որպես վերաքննիչ բողոք քերելու համար վճարված պետական տուրքի գումար:

3. Որոշումն օրինական ուժի մեջ է մտնում հրապարակման պահից մեկ ամիս հետո և նույն ժամկետում կարող է բողոքարկվել ՀՀ վճռաբեկ դատարան:

4. Որոշումը կամովին չկատարելու դեպքում այն կկատարվի Հարկադիր կատարումն ապահովող ծառայության կողմից՝ պարտապանի հաշվին:

ՆԱԽԱԳԱՀՈՂ ԴԱՏԱՎՈՐ  
Ի. ԲԱՂՄԱՆՅԱՆ



ԴԱՏԱՎՈՐ  
Դ. ՍԵՐՈԲՅԱՆ



ԴԱՏԱՎՈՐ  
Լ. ՀՈՎԿԱՆՆԻՍՅԱՆ



«23» ապրիլ 2023

թվականին որոշումը մտել է օրինական ուժի մեջ:

ՆԱԽԱԳԱՀՈՂ ԴԱՏԱՎՈՐ



Ի. ԲԱՂՄԱՆՅԱՆ